

"Media Hanesan Terorista", Gil Alves; Lae, Buat Ne'e Hau Koalia Halimar

Contributed by Domingos da Silva
Thursday, 18 March 2010
Last Updated Thursday, 18 March 2010

CJITL flash, Relasiona ho liafuan ida husi Ministru Torismu Comersiu no Industria - MTCI, Gil da Costa Alves ne'ebe hateten katak Media hanesan terorista, hetan kedas reasaun lalais husi Gil Alves liu husi konfernsia ba Imprensa, Kinta Feira ohin iha Fomentu, Dili katak liafuan ne'e nia koalia halimar ho jornalista la'os serius.

"Buat ne'e hau koalia halimar ho imi, agora hau hatene ona, buat ne'e hanesan lisaun bo'ot ida mai hau atu labele koalia halimar ho jornalistas" Gil konfesa.

Nia haktuir katak, media halo papel importante tebes iha prosesu hari nasaun nian, tamba ne'e bainhira jornalista la hakerek ho didiak mak bele destroi moral no material.

"Hau kumpriende imi nia servisu maibe imi tenki hakerek ne'e iha konfirmasaun, hau mos uluk jornalista, hau servisu tan ho KOMPAS, tamba ne'e hau husu ba imi atu hakerek didiak" kestiona Gil.

Liu husi konferensia ba imprensa ohin, Gil alves hateten ba media katak sei evita nia an atu koalia arbiru ho jornalistas. Hafoin konferensia remata, Gil Alves hamrik husi nafatin hateten ba jornalistas sira ne'ebe participa iha konferensia ba imprensa ne'e atu hakerek didiak.

"Imi hakerek didiak ye, imi hakerek didiak ba" Gil hameno. (Domingos/CJITL)